

○歷朝憲章類誌卷之二

臣 潘輝注著

○地輿誌

△諸道風土之別

○清華

秦象郡地。漢爲九真郡。梁置愛州。隋復爲九真。唐又改愛州。丁時因之。李朝改爲寨。尋改爲府。陳朝

改爲清化。或稱府。

別有九真
愛州等府

及徙西都。改清都鎮。胡時改爲天昌府。併九真愛州爲京畿三輔。

自是始改
清化爲西都

屬明復爲清化。愛州等府。黎朝因之。光順中定爲清化承宣隸府六縣二十一州四。

清華山脈高峻。大江繁迴。滄海在其東。哀牢夾其西北。接山南。南界乂安山。奇水秀襟喉。一勝地也。

在昔歷朝素稱重鎮。至于黎代又爲本原葱鬱所鍾。迭生王相精華之氣。復出文儒。至於物產之貴。

如肉桂美石
在清華極好

蓋其地靈人傑。迥出尋常。王氣鍾英。固宜甲稱於天下也。

紹天府八縣

瑞原縣

古梁江縣。四十四社。五庄。
一溝。八坊寨。五日程以下。

永福

一作永祿縣

古永寧縣。二鄉。二十
四社。二寨。一所。一溝。

東山縣

五社。七十四社。四十九
一寨。三庄。

雷陽縣

六十社。三
十州所庄。

安定縣

五十社。十六
庄。八坊。溝。

錦水縣

四十二
冊。一庄。

石城縣

一社。四十九
一寨。三庄。

廣平縣

四冊。三十
庄。

紹天府在清華西北地。據上游山川迴合。瑞原居府中央。永福在其北境。連石城、東山在其南界。接農貢。雷陽地傍沿山。萬嶺重疊。安定則夾永福。瑞原地頭石城。錦水廣平三縣皆地接沿山。近與哀牢連界。一水從哀牢發源。爲馬江。一水從廣平發源。爲梁江。二江合流。繁繞環抱于下畔四縣之間。陳末季犛徙都于永福。安孫洞。今華街芳街。號爲西都。築城鑿池。基址堅固。衛四圍皆累青石爲壘。地砌蒸磚方厚。

卷二 地輿誌

諸道風土之別

十八

甚堅。今其遺址尚存。城之左右石山迫近。馬梁合流其前。時臣汝說常以水尾山頭爲諫。季犛不聽。迨後二胡

爲明所擒。其城遂廢。黎初太祖起於梁江藍山。今瑞原縣控據險阨。爲王基肇拓之地。初帝曾祖家如益村。一日遊藍山。見衆鳥翔繞。曰此佳處也。因徙居之。自是啓土開基。爲一方長。傳三世而生帝于雷

陽主山鄉。及長結納豪傑。起義藍山。不十年而天下大定。建立西京。遂爲天下根本。

藍京殿枕山向江。四顧青碧。林莽葱鬱。黎

太祖永陵聖宗紹陵。及諸帝陵皆在其處。陵皆有碑。殿後以西湖爲腦。象金牛湖。其湖極廣大。衆水所匯。江自湖發源。環抱面前。江上地產小石圓滑。

張庭卜帖水。象視朝前庭。儀門外二石擎極靈。殿三連爲工字樣。象京師廟制。納陸而升。俯視左右山溪。個個回環。真肇基之勝地也。

後宗帝自將出樂土討莫師敗爲登庸叛還東都。於是皇子奔哀牢。及登瀛篡位。以中官忠厚侯統

管清華。其臣黎不承譖之。曰愛州之地。山川險峻。地勢肥饒。兵糧富足。權宜分不宜專。今專委一人。倘後有變。故恐難防制。登瀛乃分清華爲二。以瑞原安定永福東山石城錦水廣平七縣委丕承管

治。次年舊臣昭勳公今奉尊爲肇祖及鄭惟悛迎立莊宗于哀牢翠彈冊。丕承乃殺掠三司入哀牢効順。十年昭勳公率師出攻雷陽拔之。略定諸縣。十二年帝進兵克西都。莫總鎮忠厚侯降。後節制昭勳公卒。

翼郡公鄭檢輔政。檢永福梁山社人寓居汴上。檢少時家貧。無以養母。常盜鄰家鷄米供母。人皆惡之。乃投檢母于梁山江之域飼處。是夜風雨大作。雷電皆至。川水盛滿。至明日見深淵投檢母處已變成一堆。衆人皆異之。檢遷居汴上。後有風水師過土堆處口占詩云。此地非帝非伯。權傾天下。祚傳八代。蕭牆起禍。前隸太師昭勳公累立戰功。至是繼掌兵事。匡扶皇家。進

封太師諒國公。中宗立太師以藍京迫隘。惟瑞原縣安場社左控重山。右臨大河。形勢開爽。氣象明昌。始立行殿。奉帝居之。是時攻莫之路。自瑞原出石城。錦水廣平以達美良安山等地。沿山一帶王

師來往安場宮府。十六年間爲天子行在之所。滅莫以後。始還故都。然每有警急。卽復回鑾以固原本。

散宗慎德初。端國公回順廣。朝廷大震。鄭平西王卽奉帝回鑾。數月始還東京○神宗

永祐初。逆椿作亂。捕誅。人心洶洶。清王奉帝由寧江抵金榜回安場府。二月始還京。

迨後爲王府宮廟號稱宜京。二百餘年與汴上梨山並爲重地。其鎮所憲司則別設於東山云。

鎮所在東山楊舍社

憲司

在東山營舍社

紹天

素

稱文學

科甲

發越

甫

瑞原、永福、東山、雷陽、安定皆有大科。而東山爲盛。

瑞原進士十五員。安定十一員。東山二十八員。

名公

巨儒

爲一府冠

如

里黎文休以史筆稱。圓溪武夢原以詩文著。玉杯

二作環

陝文沂

石河

黎信

以事業顯

皆在東山。

其名山古跡則

安定之銅鼓山

東山之安獲山

永福之壺公峒

錦

水之妙山峒皆稱勝景。京城立廟。及太宗卽位。復托夢告以三干謀反事。難平。詔爲天下主照神。封王爵。

○安獲山在東山安獲社銳

村山石極美。碑碣石磬多用此。廣興

詔云

交趾東山

安獲山出美石。晉豫州太守范甯曾遣吏於此採石爲磬。

○壺公峒在永福天城社

峒有費長

房遺跡。重山高峻。俯臨長江。景稱幽邃。聖宗登覽。留連。云神椎鬼鑿。萬重山虛室。高窗宇宙。寬世。上功名。都是夢。壺中日月不勝閑。華陽韻去玄珠墜。

碧落泉流白玉寒。我欲乘風凌絕頂。望窮雲海。有仙間。

妙山峒在錦水縣汴下冊

風景清幽。鄭靖王登臨。詩云天將虛室鑿嶠崿。妙跡仍傳。在此間。

一竅深藏千古井半窗低瞰九迴灘。華鯨覺夢雲中響。他如盤阿山鵬程山戶山龍領山諸景。亦皆遊覽雅趣云。

盤阿在東山之大慶山甚高。而盤屈委蛇。蕭爽可愛。俯臨梁江。一支自右。撑出爲挪山。一支從瑞原降脈爲太平山。馬江至此湊合。二水朝前。二山拱揖。景致殊覺。

空濶御詩刻石云。三折流邊聳石堤。盤根萬甲壯坤倪。散步上峯。觀日浴橫舟。中沚聽猿啼。○鵬程山在瑞原之鵬程。山上有太平寺。岩瀕禪關。與盤

阿相對。鄭靖王有詩云。山水回環。覺有情輪囷。瑞氣擁鵬程。一條石竅。通斜徑。九品金臺。倚屏。村市人歸。初月上漁灘客。

渡晚潮。生此來。正擬詳屬物。碧白隨車。頌太平。○戶山在東山之楊舍下。臨江流。靖王登覽。反改爲佛山。○龍領山在東山。

河中府四縣

弘化縣 古右(一作石)藤縣。

六十社。二庄。一所。

峨山縣

三十四社。一庄。

宋山縣

三十社。三十三庄。三

淳祿縣

今改永祿。古淳祐。中興移避真宗諱改淳祿。一鄉。三十八社。一所。三庄。一坊。一澗。

卷二 地輿誌

諸道風土之別

秦。五日程以上。

卷二 地輿誌

諸道風土之別

二十

河中府在清華之東。宋山北接安康爲內鎮極界。峨山淳祿俱在中央。弘化南接廣昌夾際大海。山川葱鬱。宋山爲盛。嘉苗外庄爲國朝列聖祖邑。自先祖太尉阮德忠有女爲聖宗配生憲宗子吳郎輔立襄翼封王爵。孫弘裕復立昭宗。至肇祖尊立莊宗。中興基業寔先肇造。及太祖歸鎮廣順歷傳八代。迨今國朝大定。嘉苗湯沐邑蓋其福地。宏大鐘毓之慶爲最綿遠者也。弘化則文儒繼出。科甲爲多。葵渚劉廷質以正榜佐中興迄清內難。卒爲歷朝名臣。

淳祿峨山亦有大科

(淳祿登科凡五員)

唯宋山大地發越而科目則古所未有古迹有玄暹洲徐式峒

玄暹洲在峨山縣。相傳昔雄王時有臣名枚安暹。少爲王奴。長任職事。漸成豪富。人多譖之。王乃投之海口。暹既至。配所寂無所聞。惟見羣鳥鳴集。一日有鳥從西飛來。舍瓜核落。暹拾之種于海洲。日益蕃衍。食之味甜。因名西瓜。商賈往來貿易。再成巨富。王聞之召還。改其洲曰玄暹。詳摭怪傳。○徐式峒在峨山縣海津。又名碧桃洞。隙時徐式遇仙女絳香處。跡具傳奇錄。黎桂堂公詩云。海上羣仙事渺茫。碧桃洞口久荒涼。乾坤褐窮徐式雲水雙蛾老。絳香石鼓有聲敲。曉月沙鹽無味濕秋霜。世人苦作天台夢。誰識天台亦戲場。山川名勝則三疊山神符口綠雲洞白鷗洞雲磊山隻箸山猗碧門靈長門皆爲遊覽佳景。三疊山在宋山縣界首。峯岳拔地。草樹蒼幽。山頂望接大海。爲清華內處重關。山在四圍。路行其中。左右顧視。如覆盆一般。垂盡處。兩壁屹立。中通一路往來。俗傳爲孔路禪師筭口。吳午峯公詩云。斷續羣山眼界寬。魚笛天控九真關。○神符海口在峨山縣江流自正大巡而下。兩邊連山排立。蜿蜒赴海。景致空濶。爲山水大觀。阮抑齋詩云。兩岸千峯排玉筭。中流一壑走青蛇。○綠雲洞在峨山縣海濱。高峯峙立。中藏深洞。與徐式洞相連。靖王登覽有詩云。安排別是一乾坤。巍峩穹隆地勢尊。表裏重重虛石壁。東西面厰雲門。寒碑烟鎖深深。寺古磬風敲遠。遠村玉帶周迴供我賞。何勞此外訪桃源。○雲磊山在峨山碧泉社。石屏削翠。雲洞藏金。遙臨白駒海口。景致空濶。靖王詩云。名勝高標第一洲。山容如黛水如油。半峯(一作窗)雲洞邀玄鶴。平漲河門狎白鷗。雲徑樵緣頑石脚。星槎客渡急灘頭。凭高欲盡觀瀾興碧落滄溟一色秋。